

LAB. Hirugarren urtemugaren karietara, sindikatu abertzaleak manifestazioa egin zuen atzo Donibane-Garazin

Lizarra-Garaziko hitzarmenak balio duela berretsi du LABek

Konponbidea aurkitzeko, konferentzia sindikala egitea proposatu zien sindikatuari

Aitor Renteria | **DONIBANE-GARAZI**

Lizarra-Garaziko akordioaren 3. urtemugaren karietara, LAB sindikatuak elkarretaratzea egin zuen atzo 11:00etan Donibane Garaziko herriko plazan. Deialdira Euskal Herri osoko 200 arduradun inguru bildu ziren, hitzarmenak balio duela aldarrikatzeko. Dominika Ager sindikatu abertzaleko Baionako eledunak akordioa «duela hiru urte bezain baliagarria» dela azpimarratu zuen.

Akordioaren balioa laburbiltzean, lau atal nabarmendu zituen Rafa Diez LABeko idazkari na-

gusiak. Lehenik, Lizarra-Garaziren filosofia. «Horrek hankaz gora ezartzen du Madrilek eta Parisek daramaten estrategia; bi estatuek trabak ezar ditzakete, baina argi ageri da herriaren borondatea eta hitza errespetatzea dela bidea», erran zuen Diezek. «Nahiz eta orain badiudien zenbaitek Madrili eta Parisi babesa eman nahi dietela, gehienik abertzaletasunaren parte bat irents dezakete, baina bidea hor da», erantsi zuen.

Euskal Herria osorik agertzea, lurraldetasuna, bi estatuek «herriaren hitza eta borondatea errespetatzera behartzea» eta



ANGELA MEJIAS

Rafa Diez, LABeko beste ordezkariarekin, atzo Donibane-Garazin eginiko manifestazioaren buruan.

«zatituri zeuden abertzaleen elkarlana bideratzea» dira, Diezen ustez, akordio horien balio nagusiak.

Proposamenak

LABeko idazkari nagusiak behin eta berriz azpimarratu zuen Lizarra-Garaziko metodologia ezin dela debalatu, ez

duela «suzedaneorik». Lizarra-Garazin «denak» sar daitezkeela argudiatu zuen Diezek, «baita RPR, PSOE eta PP ere»; baina euskaldunek Espainia eta Frantziako konstituzioetan tokirik ez dutela plazaratu zuen. Beraz, hitza eta erabakia errespetatzeko eskatu zuen. Ondotik, gainerateko indar sindikalei Gerni-

kan egindako proposamena berretsi zien, hau da, Lizarra-Garazin zeuden sindikatuen arteko konferentzia egitea, bide berriak eraikitzeko.

Mintzaldiak bururatu zirelarik, manifestazio batek Donibane-Garaziko karrikak zeharkatu zituen, *Hitza eta erabakia: bake bide bakarra* lelopean.

LABURAREN

Ernesto Alberdi preso zornotzarra aske utzi dute, espetxean 21 urte izan ostean

Ernesto Alberdi preso zornotzarra aske utzi zuten atzo, espetxean 21 urte izan ostean. Alberdi 1980ko azaroaren 20an atxilotu zuen Guardia Zibilak, Zornotzan, eta 30 urteko kartzela zigorra ezarri zioten. Alberdik, legez, orain sei urte egon behar zuen katean, orduan bete baitzituen bere zigorraren hiru laurdenak. 21 urte hauetan Carabanchel, Soria, Alcalá, Herrera de la Mancha, Puerto de Santamaria, Salto del Negro, Burgos, Sevilla II, Basauri, Valdemoro, Salamanca, Santoña eta Langraizko espetxetan izan da. Alberdiri ongi-egorria egin zioten atzo arratsaldeko 20:00etan Ogenbarrera kalean, eta hilaren 22an Herriko Plazan eguerdiko 13:00etan egingo den ekitaldi politikoa parte hartuko du.

«Udal Gobenuari eraso egiteko» Batasunarekin zenbait ekimenetan bat egitea leporatu dio Bilboko EAJk PPri

«Udal Gobernuari eraso egiteko» Batasunarekin zenbait ekimenetan bat egitea leporatu zion atzo Juan Jose Olabarria Bilboko EAJko bozeramaileak Udaleko PPko taldeari. Olabarriak Antonio Basagoiti PPko bozeramaileak salatu zuen, «EAJri Batasunarekin ados egotea leporatu ostean, berak horixe bera egiten baitu».

Joxean Agirre Puerto I espetxean dagoen presoak ikustera joandako lagun bati ez diote utzi hura ikusten

Euskal Herritik 1.132 kilometrora dagoen Cadizko Puerto I espetxera Joxean Agirre euskal presoari bisita egitera joandako lagun bati hura bisitatzea eragotzi zioten hango funtzionarioek joan den irailaren 8an. Senideen arabera, Puerto I joan eta gero, bisita ordua iritsi zenean, Ion Gaztelumendi eta Joxean Agirre ikustera zihoazen lagunak ezin izan ziren barrura sartu, detektagailuak denbora guztian jotzen baitzuen. Orduan, atetik pasatzean jotzen zuela ikusirik, Agirre bisitatzera zihoan laguna biluztu egin zen, eta raketa pasatzeko eskatu zuen. Hala ere, funtzionarioek okupatua zegoela eta arratsaldean itzultzeko esan zieten. Baina, arratsaldean, ez zioten utzi hura ikusten.



MONDRAGON
UNIBERTSITATEA

HUMANITATE ETA HEZKUNTZA ZIENTZIEN FAKULTATEA
FACULTAD DE HUMANIDADES Y CIENCIAS DE LA EDUCACIÓN

FINANTZA IRAKASLEA

- MONDRAGON UNIBERTSITATEAn, MCC barnean, talde profesional, dinamizatzaile eta berritzailean parte hartuko du irakasle lanak egiteko. Epe erdian, konpromiso eta baliagarritasunaren arabera, kudeaketarekin uztartuko ditu bere formatzaile funtzioak.
- Bokazioa duen pertsona batetan pentsatzen dugu, ikasleriari zuzendutako gaurko hezkuntzaren ikuspegia duena.
- Nahitaez betebeharrak: lizentziatua izatea eta euskara menperatzea.
- Konpetentzia profesionaletik aparte, doktoradutza, enpresa eta hezkuntzan esperientzia, hizkuntzen eta ofimatikaren ezagutza baloratuko dira.

Aukeratze prozesuan GUÍA 25 k kolaboratuko du.

Interesatutako pertsonen euren curriculum-a, ikuspegi profesionala eta oraingo argazki bat zuzenbide honetara bidali beharko dute, ahalik eta azkarren:

Gordoniz kalea, 44 - 2º, 6. departamentua - 48002 Bilbao - Telefonoa: 94 470 25 31
Hamar egun barru jarriko gara harremanetan aukeratutako pertsonekin

MONDRAGON UNIBERTSITATEA - Humanitate eta Hezkuntza Zientzien Fakultatea

www.huhezi.edu

EuskoTren

Txorierrri Lineako bezeroei

EuskoTreneko Txorierrri Lineako bezeroei jakinarazten zaie linea honetako tren zerbitzua **irailaren 17an**, astelehenean, berrezarriko dela, bertako azpiegitura berrituko lanak amaitu baitira (trenbidea eraberritu eta ego-kitu eta Artxandako tunela berritu, alegia).

Linea honetan burutu diren lanetarako 600 milioi peze- ta inguruko aurrekontua erabili da eta **EuskoTren XXI** deritzon Plan Estrategikoan sarturik daude.

Halaber, **EuskoTrenek** bezeroei eskerrak eman nahi dizkie, sortarazitako eragozpenen aurrean ulerkorrak izan direlako. Azkenik, kalitatezko garraio publikoarekin dugun konpromisoa berretsi nahi dugu.

Bezeroaren Arretarako Telefonoa

902 5 4 3 2 1 0

